

度

支

奏

議

度支奏議目錄

雲南司十一卷

再覆督倉漕規諸款疏

覆近京五十九淺濬剥事宜疏

題浙江監兌張朝綱差滿考覈疏

覆蘇松撫按監兌會參拖欠漕浙並禁那支疏

覆運弁張雲翰等降級疏

覆雲南甘按院條陳鎮守事宜疏

覆浙江撫按題三推官完糧開復疏

覆督部收買餘米並支放事宜疏

覆巡漕總河查叅淺阻速催漕糧疏

題江西監兌高錡差滿考覈疏

題議漕糧剔蠹裕儲十款疏

覆雲南撫院題議六涼衛派收屯糧疏

覆應天巡撫請復一推一知原級疏

覆湖廣巡撫查叅違誤漕折官員疏

度支奏議卷之十一

太子太保戶部尚書淄青畢自嚴視草

再覆督倉漕規諸款疏

題爲新運已至開工方欲議興河工忽欲議寢恐

悞剝運大事恭請

聖裁又習見人心弛懈并乞

天語申嚴以重漕政事雲南清吏司察呈四月初七

日奉本部送戶科抄出該本部題前事本月初

五日奉

聖旨倉場自有職掌今擬漕規各款入勅併行果
盡能遙制若止差役移文反覺紛擾不便還着酌
議妥確來行各差均屬部事疏內相應酬勞等語
是何差優美可以相酬着明白奏來欽此欽遵抄
出到部送司案呈到部該臣等看得

朝廷設官理政職掌原自攸分頃該臣部擬覆督臣
錢春增

勅之疏緣奉有准昭巡倉規例舉劾之

旨行且以倉而兼漕矣隨查漕規諸款有原係督撫

職掌者有原係倉臣職掌者亦有情事委難
制而遲速不無相關者于是臚列上

請恭候

聖裁今奉

明旨謂反多紛擾仰見

聖慮淵深無微不至臣等爽然于奉行之愚昧矣謹
將各款去留開註前件上塵

膚覽伏候

採擇至委官酬勞一節查臣衙門有京通倉庫及糧

儲鈔關草場解銀本科勘合等差莫非

王事各有司存且差次與俸序昭然原有定例在司
屬不得撓越在臣部亦不敢紊亂久矣年來邊
疆多故稱寒殊未易言如京通二廳以北銷借
償爲難而倉糧庫蝕出納之間尤爲重寄草場
則有收放之責押解則有剽掠之恐而鈔關
稅每苦足額維艱糧儲增兵時聞鼓譟招尤
奉差各司遂覺惴惴焉懼不稱任矣此外別無
優美差缺

聖明自有洞鑒也就中惟本科雖時佐部議關係
重而無錢穀之司勘合雖跋涉遠途而卸
命出疆尚可借便過里所謂清暇之差彼善于此者
也今查主事程世培係直隸休寧人南北風氣
原自異宜馳驅塞垣匪所克堪本官于崇禎二
年十二月內到任隨經題管草場于時盤踞
虜尚在城下外急芻秣內防奸細雅多拮据
以草束參差罰俸半年今又以才幹

請委協理而事係新設無公署無胥役日夕河干

風沐雨視舊設各差似又繁苦矣在本官職
敢自以爲勞而倘令在部需次則前項差缺
應遞及今乃猶肩苦事勞逸似屬未均臣思
缺其事竣回部之日或俾以勘合等差少節
勞遽將相應酬勞等語叙入疏中委屬疎莽
亦不過鼓舞任事之微詞耳非敢格外曲徇
今奉

明旨詰問不敢不據實入

告伏望

聖慈鑒察至本官回部之日應否差委尚容臣等
酌于資俸南北之間臨時議妥具題卽勘合
差亦未敢預定耳茲奉

旨明白奏來謹據實奏

聞統候

聖明垂察

命下臣部遵奉施行

計開

一欵省直漕糧各督糧道催各有司徵

水次倉廩每年十月開倉不

河南江北江南浙江江西湖廣

十一月中旬照數徵收全完申

道轉呈撫按如有司至十二月無

者聽撫按監兌會叅罰俸一年正

無糧者降職二級二月無糧者重

爲民

前件查得開倉一節係漕運始事實

開幫過淮遲速相關但事在水次

難逢制合行刪去伏候

聖裁

一欵漕運糧船除山東河南不過淮洪外
南直浙江江西湖廣糧船俱限三月初旬過淮四月初旬過洪照例總漕
總河巡漕衙門將過淮過洪日期并
船糧細數據實

奏報如三月終不過淮者督押司道等官及領運
把總以下各降二級四月終不過洪

者一體叅究倘河渠淤淺疏築無功
撈淺無人及閘座開閉失時致有稽
阻不得過洪抵灣者管河分司道廳
各照信地聽總河等官叅究

前件查得河渠淤淺閘座開閉失時致
有停阻者應聽管河司道查行在實
臣委難遙制合應刪去其過淮過洪
原係總漕等衙門按日題報而總倉
每年截叅疏中按各船之違限與否

分別降罰應得與聞者似應併入
候

聖裁

一款各該河道大小官員自通州至儀真
等地方俱要及時修築堤岸疏濬河
渠以濟糧運臨期悞事者軍衛有司
悉聽漕司河道衙門及巡倉巡河御
史叅提淺阻十日該管有司軍衛罰
俸半年淺阻二十日罰俸一年淺阻

一月通官降一級回銜差操有司
一級赴部調用管河郎中照才力不
及例降一級調外任河道都御史職
南北科道巡倉巡鹽御史叅奏又天
津以北一帶河道屬巡倉御史及通
惠河郎中分理其河西務桃花淺夫
役常川疏濬如有阻悞查照單例計
日叅治

前件查得疏濬河渠除儀真等處應聽

河道等衙門及時修濬督臣委難
制合應刪去其天津以北原屬倉
且潞河一線淺阻更多見經督臣
春條議

俞允似應併入伏候

聖裁

一款巡倉御史顏鯨題奉

欽依通州潮縣武清天津軍衛有司係該京邊倉儲
河道附近衙門各正佐等官悉聽

屬委用照例舉劾

前件查得通州等處軍衛有司既經部
史顏鯨題奉

欽依悉聽委用舉劾今督臣奉有准照巡倉舉劾之
旨似應併入伏候

聖裁

一欵徵解白糧官員照漕糧事例依期徵

兌務在十二月以裡盡令開行償

運軍幫內一體隨幫挽拽魚貫而進

不許間斷參差懸延者聽巡漕御史
查催叅究至京完納違限者聽巡
御史照近題事例查叅倉漕御史
于差完之日仍將總協部官分別
劾以昭勸懲增入各差御史

勅內以便行事

前件查得白糧徵兌開幫屬之有司沿
途催償聽之巡漕督臣委難遙制合
應刪去其至京交納稽查違限追比

掛欠舉劾部官俱巡倉職掌今

奉有照巡倉舉劾之

旨似應併入伏候

聖裁

一欵通惠河自新壩起至慶豐閘計船運

五處每閘各用剥船六十六隻共船

三百三十隻人夫聽各經紀雇覓每

經紀一名領船一隻看管修理又

本部題奉

欽依添造閘河白糧剥船六十五隻行淮排造給

紀剥運看管修理

前件查得閘河船隻爲剥運急需限
者排造破壞者修船從係臣部咨會
督臣刻期修理今督臣奉

命出巡例應查驗以資運務者則剥船一項似應載
入伏候

聖裁

一款輕賚銀兩各州縣照近降法馬秤

銀五十兩領爲一錠整鑄經該
銀匠姓名委的當人員隨運船協解
赴淮漕司驗兌相同舊例每幫給
分之三聽備沿途支用山東河南
賫惟薊糧先給一分以資添辦什物
及沿途盤剥之用餘發運官到倉
驗又該本部題

准將歸清等二十九衛所自萬曆十六年始每年
于山東河南輕賫銀內照薊州例

吃一分付運官隨幫備剥又本部議輕賚銀兩三七分解原備運船沿途盤剥支費今既毫不支用而反有守候賠累之苦相應令標船一總解送著爲定例又該本部覆

准將輕賚銀內以十分之三付各省管糧道臣沿途支用自賚自發事竣冊報部科有欠少的卽于該道臣名下追補餘七分并山東河南銀竟解京庫其應發時

該管坐糧司官申請堂創開倉
總聽稽查

前件查得輕賚銀兩除秤兌傾錠聽各
該有司遵行并山東河南銀兩先交
一分付運官隨幫備剥二款係往年
成例今奉

新旨三分付糧道沿途支用七分徑解京庫則前項
舊款合應刪去至一應收發在臣等
必咨會督臣互稽虛冒且近奉

明旨該部主計督倉事屬一體則輕資一項似應

入伏候

聖裁

一欸漕運船隻舊例每船運軍准帶土宜
貨物四十石此外不得多帶若夾帶
客商貨物者事發將本船運軍并
載人員叅問治罪貨物入官其把總
運官不行簡舉者各降一級回衛差
操

前件查得夾帶貨物除沿途一帶
漕等衙門自有禁釐外若通津等
原係巡倉所轄今督臣照巡倉每
似應併入以便責成伏候

聖裁

一款插糠灌水漕糧大蠹沿途水次所
皆然而惟起剥時爲尤甚經紀船
車戶旗軍綱司貓鼠同眠大家播
或攪糠粃或和沙土或就河流而

水于船艙或截竹筒而灑水于月
以致糧米相惡浥爛收放兩難兼
糧多船小一母船勢必分爲三剝
剝船又未必足數程途寫遠時日
遲旗綱不能分身照管而剪頭截底
以及重斛面加合子措勒晒揚等弊
不可窮詰查舊例張家灣題委司官
一員專清諸弊尋復報罷今欲起剝
清楚各役歛戢宜申飭各經管衙門

及至土二壩委官佐原查覈

蠹

前件查得插糠灌水等弊若沿途小
督臣耳目所不周者難以遙制而
剝時經紀船車等役通同作弊船
運官靡所不至非督臣專責查覈
無以歛戢奸役而肅清蠹弊也似
載入伏候

聖裁

一款京通各倉監督等官如遇幫船
卽與起運進倉嚴督官攢人等速
晒揚收受完畢卽出通關赴繳不
刁蹬留難仍計投文以至完納如
別故出一月之外不給通關者聽
場衙門從重查究又京通二廳及
倉監督務將各官攢書皂歇脚抗
鋪軍等役嚴行約束如投文銷筭
食等項需索及辛苦過困踢斛林

漕等項弊竇務加革絕至各
筵揚糠粃仍收貯空廩各胥役不許
乘隙帶出以滋挿扣又京通糧米俱
令運官掣斛進倉報晒臨倉掛欠照
數賠補治罪如守門役需索擾害者
許逕赴總督巡倉等衙門呈告拿問
又漕糧進倉敢有官攢把門歇家
同攔阻乘機盜竊及謀利分用耽擱
交納者聽巡倉御史坐糧監收官

問重治又各倉收糧委官照例分
兌運改兌等項名色加耗一尖一
收受尖則不許淋漓錫斛平則止
刮鉄爲度不得多增斛面苦累官
亦不得沽寬厚之谷少收斛面貽累
守支運糧官軍敢有侵欺糧米上
不敷駕爲多收之說以掩飾已罪者
• 總督及巡倉御史拏問

前件查得倉委員役刁勒需索官贖

家乘機竊盜及委官多收犬耗等情
均爲倉漕之蠹而京通各員役近
督臣之下聞見最真法令易行似應
照例嚴戢以肅倉政伏候

聖裁

一款各幫糧船起完卽選廉能運官管押
回空酌量道里遠近定與到次日期
速回修脰不論山東河南江北江南
浙江江西湖廣俱限十月下旬到京

前赴本處督糧道投驗限單查明
報撫按知會如在京通起糧稍遲者
查照限單略寬旬日亦不許出十二
月之內如遲至十二月不到者降職
二級正月不到者降職三級調衛差
操

前件查得今歲之回空卽來歲之新運
速則俱速此必然之理也各船俟起
運完日速令押空南下不致貿易稽

留速回空卽所以速先運也近經

臣朱光祚條議奉

明旨會同總督倉場詳明速覆則押空似非緩圖矣

伏候

聖裁

崇禎四年四月十四日具

題本月十七日奉

聖旨這酌覆督臣增勅諸款內除漕船夾帶貨物難以責成其餘依議司官營差規便積習相沿正望

卿等秉公率屬豈得輕徇私情輒形章疏所奏
道了貼黃內勘字訛堪改正行欽此

覆近京五十九淺濬剥事宜疏

題爲欲速新運蚤回空先議近京五十九淺濬剥事宜以便築壩修河事雲南清吏司案呈本年三月二十四日奉本部送戶科抄出總河部院朱光祚題前事等因三月二十二日奉

聖旨這本說濬淺速運及責成該管各官事理甚悉着戶工二部會同總督倉場詳明速覆欽此欽遵抄出到部送司隨即呈堂核各工部督部酌議詳明速覆去後續於三月二十六日准工部咨

前事內稱河漕事本相須而利輓運速回空
緊開在通務河之五十九淺原設衛弁有司
地分漕統以楊村通判而通惠河郎中則專董
其役節奉

明綸申嚴挑挖本部屢檄該差殆無虛日緣通流河
身本高既難蓄滯而水勢建瓴又皆溜沙稍遇
旱乾舟便膠阻當時務廳通廳設置剥船政以
濟挑濬之窮自漕船裝攬灑帶之弊茲而北上
者不能速之使來南歸者不能速之使去剥運

分司借河淺爲口實奸猾運弁又居攬載爲
貨亦知此處一遲將濟汶一帶築壩堰流亦
遲一日乎應如總河疏議嚴責通惠分司及
密二道率分管官每歲初冬積辦椿草開春
築牆堤務益高堅各官分照信地督原派額夫
併力攢搜某淺用某處夫若干某日濬某處淺
若干一日課一日之功一夫得一夫之用仍取
挑挖沙土遠置堤外毋俾擲道傍以致風颺雨
溜仍入河內若遇淺阻通惠司官調集夫役

力排各分委之官各照派定地方課其工程
勒限回空一如重運過淮事例查照叅處回空
既蚤則築壩修河事事俱蚤其間往來查覈
責河間府推官此蓋倣各省償完之例且爲河
漕各衙門分猷也戶工誼屬同舟撫按總期協
濟所謂破牽制靈呼應者唯協衷而力行之耳
合咨貴部煩照咨文內奉

明旨事理會同倉場督部酌議詳明彙疏入

告務于河漕彼此共濟等因四月二十一日又奉

部送淮總督倉場咨覆前事內稱運非河不修
惟是漕與河事合戶與工職分此其故難言之
矣幸總河知相資之殷詳舉舊例且欲同心以
求實濟可無言以佐末議然不敢臆決也以去
歲往來之圖度合以邇日身親而目擊於五十
九淺者論之據總河疏該萬曆九年題派分管
畫地責成春夏則築堤堰完則濬淺夫每年一
漕漕至於今已五十餘年矣本部比與漕總部
中馮敬舒聯舟執杖逐處深測天乾水涸極者

約二尺五寸至四尺而廣其淺者或二尺或一尺五寸而縮則船至必膠仗夫挽拽始濟矣近報枯涸者務關以北爲白阜園郝家甫而郝家甫尤甚務關以南爲主聚務也濟之五十餘年而五十九淺不加濬則所爲濟者可知矣查得江伯一濟而母船直抵太皇橋今必欲借資於利但三百里之遙而濬五十九次奈何不廢時失事耶馮郎中以爲難辦者積散之便又以用空及本部傳責所修東水新橋土法制沙法調

夫法俱與漕有益惟是有司軍衛各有分屬
呼應處往往可不知道既本部可以責成
督傳檄密兩道與河廳務期同心共濟其
務剥船修舊補缺似已有備無患但必欲盡
剥船原非單例就靠剥船而河剥約載米一
五十石官剥約載米一百六十石水必盈三
始能無滯此乃通惠及兩道有司軍衛之事也
大抵漕之法前四則俱可行各盡力于分管
之淺五十有六處而又協力于極淺之三處固

非其高難行之事况河形兩岸自濶今水落洲見可以方舟者橫可數十步以縱計之短不過數尺長不滿數丈以里量者絕少又豈大而無當茫然難以置力者哉余查先任通惠董郎中合

奏堂呈內有言秋深風起盈河之水盡已涸去一尺五寸有奇然職于舊七捺者必令其寬至六捺六捺五捺者必令其寬至五捺大約每船三百石以外剥船一百五十石以外保其通行無

阻有阻則治職之罪無貴今夏水未至卽此
作榜樣請與管河者約其挖之之法各聽其
毋爲掣肘其挖之之官司道有司軍衛必合
力不可岐觀若舊時立標呼令避淺及排沙
送盡屬虛文無復再滋聚訟只要管河者保
春秋水不灌河時常挖至二尺五寸以上可
行母船二百石以外剝船一百五十石以外
稱率職本部近置有界定尺寸木竿以此度
水深淺立見蓋二尺五寸方足五捺也其餘咸

稱平湏責令通務諸司任之便無與河上事
此僅亦目前補苴之法必如總河大挑之議雖
未必一勞未逸或可數年無患倘此時運艘
貫而來不致令搬剥斷續回空自速惟回空
而濟上舉工近京五十九淺亦如此法一濬之
則滔滔一往終無底滯之憂有飛輓之盛其
軍

國必非小補但此處淺夫之外別無河工錢糧
河處倘有積存或當通融打算以河工錢糧

歸河用萬有餘濟百無一缺此方謂之徹道
尾有始有卒耳夫議定方可課功不聽其言
而人始以實應矣故水未至而于五十九淺以
以二尺五寸以上爲則亦前事之師也令終力
能虔始非積倉早竣卽輸輓亦不能不後期矣
故旣欲速漕而蘇濟及通須處處疏通一番乃
爲萬全之筭也或者以時絀不當舉羸不知惟
如此而所損者小所益者大是在採擇以轉聞
于

上各等因咨覆到部送司相應具覆案呈到部
等看得漕河原相資以行戶工實分曹而理而
議事與任事又殊途而同歸故必漕河有兼濟
之法而後糧運無遲滯之虞又必于窵會立
一之程而後按法課功不徒以空言塞責乃
于漕事有實濟耳臣謹按河臣疏議兼採督
工臣之言而詳酌之夫新運速則回空早回
早則可于濟上築壩滙水斷流挑淺而來年
開河始無底滯此爲開河計不得不爲回空

而爲回空計又不得不爲速運計然欲求速運則莫先五十九淺之疏濬矣蓋漕河自浙江至天津河臣自言其力所能及當隨宜修舉無庸贅議惟通灣至河西務一帶河身旣高而又流沙無定故有五十九淺之艱當時分立多官專理各淺春夏築堤堤完疏濬沙土遠徙原是實落工夫而無奈後來者之虛應故事也每年雖有築濬之勞而阻淺如故督臣所謂濬之五十餘年而淺不加減者此也卽就水扒沙敲水拽

淺亦何裨于遲速之數哉此病在河者也至
規廢而重船旣攬貨以北來空船復收載以南
往卽有能前之勢而且藉口河淺遲遲以行無
怪乎重船遲入而空船又遲回也河臣所謂遲
滯攬載展轉射利不滿不休者此也此又病在
漕者也河漕交病糧運安得不遲臣等扼腕久
矣今河臣朱光祚議將五十萬石責成通惠分
司與霸密二道力督管河官各照信地務在先
冬各備辦椿草春初加築舊堤務期堅厚隨日

致濬流將所挑沙土務遠堆堤外不致仍入
內而又專委河間府推官往來查核刊榜立禁
違則懲處而各船回空又照過淮事例逐處
單節節查催遲者照例叅罰其於濬河速遲
得肯綮而弊竇痛徹事理詳悉真于河漕大有
濟矣再益以督臣之身親查閱畫立尺寸但係
漕艘經歷淺處當夏水未至時責令管河各官
盡心挑挖所濬水勢務以二尺五寸以上爲度
其極淺二處酌量工程併力大挑須水五捺務

與各處同度先用督臣界定本年度其後漸次
以毋船二百石以外剥船一百五十石以外通
行無滯爲準稍有稽遲者以息事叅治若水勢
已通而剥船不措則臣部通務各官亦無所逃
罪矣今據督臣所查通務剥船修補似已有備
則管河者又不得復謂臣部司官之借口也至
于工程浩費委非獨力所可竣役必司道有司
軍衛等衙門同心體

國無分畛域而事始克濟總其事于河道借其權

于撫按要于破牽制而靈呼應此在當事諸

謀

國之忠而尤藉

天語之申飭而力行也若夫回空船隻舊例原有限

單今議所歷天津德州東昌諸要處各經過日

期俱填入單內至濟寧而投總河臣親查改限

過淮仍令沿河節節查催遲違逾限者照重船

例叅處則回空無逗遛而濟上築濟之事及時

綢繆又一速俱速之關鍵矣臣等叅詳衆議目

前補救無踰此策謹爲之發明其說如此乃
臣又欲俟回空盡日將五十九淺做齊上之想
議大挑之法爲一勞永逸之計又慮淺夫錢糧
或恐不足欲于河工積存通融打籌徹首徹尾
成始成終此則尚須督臣河臣從長商議逐處
查酌應用幾何舉行何日仍候另疏奏

聞取自

聖裁者也既經總河部院具題并工部督部會議
來相應覆

請恭候

命下臣部行文各該衙門欽遵施行

崇禎四年四月二十八日具

題本月三十日奉

聖旨這責成內外各官挑濬淤阻蓄水利漕及嚴限
回空以便濟上修築俱于運務有裨依議着實行
其大挑事宜酌妥另奏該衙門知道欽此

題浙江監兌張朝綱差滿考覈疏

題爲欽奉

明旨清查考覈司屬官員事雲南清吏司案呈奉本部送據浙江監兌浙江司郎中張朝綱呈稱本職奉本部題差浙江監兌恭領

勅書於崇禎二年十一月十一日與差滿員外郎王嘉言交代接管監兌運過杭嘉湖三府崇禎二年分正改兌漕糧本色六十三萬石白糧六萬五千八百一十五石五斗零遺糧九萬四千石

百石輕賣等銀共一十五萬五千四百六十四
兩七錢六分又催完過杭州等十一府州縣見
徵崇禎二年分麥米草折鹽鈔蠟茶棗笋果品
富戶昌平州顏料鈔折正雜新餉等銀共七十
六萬七千八百四十兩七錢五分零又完過絲
綿折絹三萬四千六百一十四疋二丈二尺四
寸零房地租絲絹八疋六尺黃麻八十九斤九
兩四錢又催完帶徵麥米草折鹽鈔蠟茶富戶
顏料昌平州遼餉等銀共一十一萬六千三百

六十四兩七錢一分零又催完帶徵輕賣等銀
共三萬一千三百八十九兩七錢五分零俱經
造冊

奏繳并將已完不及分數有司官員照例查叅外
職于三年十一月十四日與接管主事路文範
交代回京將

勅書親賞

進繳相應遵例聽候考覈等因到部奉批照例考
核遵行間又奉本部送據本官呈爲誤薦有因

奏議
據實剖明事內稱崇禎二年九月內奉差浙
監兌所有正改耗漕糧及京邊遼餉正雜輕費
等項錢糧俱已全完

奏繳外惟薦浙東把總王化行奉

旨俟回部議處職之誤薦誠無容追罪第所薦者浙
中新糧也化行被叅者京中舊糧也隔在浙中
不知京中之叅疏監在新糧不關舊糧之完欠
維時援兵雲集望糧接濟稍有遲緩

新旨輒以誤失軍機論罪而僱募民船猶萬倍艱難

職日日詣倉催米刻刻促船催行無遑查及
報叅提之事但據其舊運已竣復委領新運
東把總復委兼以浙西則意其綽有餘材又
新運無悞遂具稿會薦而化行之被叅與叅之
在先後俱無從知實非明知而故薦惟據新
運而叙及等因具呈本部奉批查明入疏奉此
除漕糧輕賫係本司職掌查果全完外其白糧
麥米草折等項係浙江新餉二司爲政隨卽移
付確查各項錢糧完欠去後隨准浙江司付開

崇禎二年分本色白糧金花草折米折綿絹
鈔富戶折色蠟價果品筴笋協濟昌平白糧及
絲綿折色見徵帶徵俱照數解部完納訖惟絲
綿折絹三萬四千六百一十四疋二丈二尺四
寸二分零已解到二萬八千五十二疋一丈七
尺零未到六千五百六十二疋五尺零并房地
租絲絹八疋六尺二項據冊已經差官吳翰
解途尚未到部顏料秋鹽等銀九千一百
兩九錢六釐零據冊差官採辦未到本色蠟

計銀三千三百一十兩五錢三分零據冊差
人丁邊起解在途本色黃蠟內扣價銀四百
十兩二錢三分五釐零據冊貯庫候解又黃
八十九斤九兩四錢據冊差官陸君德起解在
途未到又准新餉司付開浙江額該加派銀四
十二萬二百七十二兩八錢四分零除解到銀
四十萬九千五百五十五兩四錢五分又該帶
徵銀二萬二千一百三十五兩九錢四分零解
過銀一萬四千七百四十九兩三錢九分零又

該雜項銀九萬三千六百六十九兩七錢五分
已解過銀八萬六千二百三十一兩五錢一分
零三項除解交外止有未到銀二萬五千五百
四十二兩一錢七分零俱差官許允明賚解在
途各等因到司准此卷查崇禎元年十二月因
該本部題議監兌一差已設而復裁既裁而又
設其故可思也裁者因前官之蹉跎徒因循而
廢事復者望新官之祇礪務拮据而奏功故致
前車而策後效是在各官之自爲計耳周歲

滿照例考校稱職有優擢無灰任事者之甚
不稱者有明罰無長溺職者之弊習則人爭
勵以共副任使等因題奉

欽依遵行在卷及查郎中張朝綱先于崇禎三年十
月內題爲僨運事竣等事薦舉領運官員緣係
本月初七日奉

聖旨浙糧過淮已逾單限薦叙自應裁酌且王化行
俱運欠糧屢行叅提公然首舉張朝綱所職何事
俟回部議處該部知道欽此又于本年七月內該

浙江巡撫御史李柄題前事本月二十八日

聖旨這裏內已有旨了該部知道欽此又該浙江巡

撫陸完學題同前事八月初八日奉

聖旨戶部知道欽此及查本官叙薦王化行雖屬新
運但奉

明旨議處似難假貸今當回部相應照例考核仍遵

旨議處案呈到部該臣等看得監兌一差已裁而復

設政以漕事稽遲極重難返而各項京邊銀兩

又皆軍

國經費之需特假司官極力督償卽以錢糧之
欠爲職守之優劣稱職與否

功令隨之此考核所爲起也今查郎中張朝綱
允浙江該省錢糧本折無論見徵帶徵俱各
及分數卽有零星未到而或起解在途或貯庫
彙解似亦歷歷有據矣本官以錢糧奉差而
部亦不過以錢糧考課今據浙江新餉二司
查則各項錢穀完解如許一粒一銖孰非自
官精勤任事中來也查據往例似仍當獎藉

錄爲勞臣勸惟是舉劾

大典妍媸是否克肖而本官之殿最因之則評人亦
自評之實案也該省把總王化行悞運欠糧
經叅提何得公然首舉

明旨諭令回部議處允稱磨礪之大權矣然據本官
具呈前因則今日之舉委係浙中新糧而化行
被叅又爲往年舊欠京浙相去隔遠前此叅
之疏在本官或未及知且該省撫按亦旣會
題薦則本官之情亦若可原矣獨念身當舉劾

而輒有註誤爲法受過何說之辭相應罰俸四箇月以示懲創庶于明罰之中寓使過之仁而情與法兩得之矣既經本官具呈前來相應題請恭候

命下臣部遵奉施行

崇禎四年四月二十一日具

題本月二十五日奉

聖旨張朝綱職司監允運官賢否自應詳覈乃以叅提劣弁公行首叙顯屬徇情卽云王化行被舉原

係舊人然新運亦逾單限何得藉口支飾念舊
已多完解姑着降俸一級照舊管事該部知道欽
此

覆蘇松撫按監兌會務拖欠漕折並禁那支
題爲漕折隨運並進經徵玩怠未完特疏糾參
蕭漕規以傲惰竄事雲南清吏司案呈四月
十五日奉本部送戶科抄出應天巡撫曹文衡
題前事等因四月二十一日奉

聖旨王德純玩悞漕折着戴罪督催完日議奪錢糧
嚴禁那支已有屢旨着該部條飭具覆欽此又該
戶科抄出南直監兌本部湖廣司主事傅啓光
題爲漕銀徵解怠玩特疏參處以重

國計事四月二十二日奉

聖旨已有旨該部知道欽此又該戶科抄出巡按
隸御史饒京題爲漕折隨運愆期接徵怠玩堂
警特疏糾參仰祈

聖裁事五月初三日奉

聖旨已有旨了該部知道欽此欽遵通抄到部送司
查得應天撫按并監兌主事會叅嘉定縣拖欠
漕折及申嚴那移緣繇奉

旨下部相應具覆案呈到部該臣等看得漕折銀

原與本色並重故必隨漕解進不許延玩後請
又別有那移乾沒者也頃該撫臣曹文衡按臣
饒京兌臣傅啓光疏叅嘉定縣署事同知王德
純玩悞漕折蒙

皇上責令戴罪督催完日議奪已徼寬典臣部卽咨
行該撫按嚴勒催完聽候酌議上

請外至錢糧各有款項緩急不啻懸殊筭徵發者須
是酌支解而輕重布之然京邊金花新餉等項
勢必足色數無可容其低昂而一切扣除常例

而每每在存留支放之中此卽分符維繫
不免熒惑于乘機巧逢之口若以視篆者富之
則時日旣短打算更長無難那借要緊款額以
聊厭目前之侵蝕此正供之所以日逋也而正
供旣逋

坊令難追則借端加派之弊又日新月異莫可
詰此其稽公剝民劇可念也撫臣目擊時難
施對症毅然發憤而爲立石垂戒之誦亦可謂
苦心剔除矣合無卽如撫臣議自後凡徵收

糧必先儘京邊金花新餉等項盡數解完方
於存留各項以次通及其額編之外非奉
明旨不許擅加分毫以圖借倩自利如有正供不
而那移撮放及朦朧詳請營私加編者該撫
立時叅奏官必提問吏必究遣以示懲戒卽積
習或可相沿而石刻斷難去藉則亦療錮疾
維新治之一大設施矣旣經該撫按監允會
前來相應覆

請恭候

命下臣部行文各該衙門一體欽遵施行

崇禎四年五月初八日具

題本月十一日奉

聖旨有司缺誤正供多係借支潤索若額外苛取
民尤甚這酌定緩急嚴禁加編有犯卽行叅處
議着實行欽此

覆運并張雲翰等降級疏

題爲姦弁借領運以漁利當慎防於始姦旗乘
米而先逃當嚴究於終謹杜鑽刺之繇以防
沒之患以肅漕紀以速運務事雲南清吏司
呈崇禎四年四月十八日奉本部送戶科抄出
該天津督餉部院翟鳳翀題前事內稱據天津
道行據管糧通判王坦審據運弁張雲翰原領
漕糧漂沉四船除打撈變價買補尚欠二千餘
石其所領過湖銀四百四十六兩除解工部

料銀五十八兩二錢零例給旗甲徐文等三
九名製辦應用銀三百四兩三錢零剩銀八
四兩二錢零繳總俱有批領存驗但缺船沉
息玩候事相應擬徒等因四月十六日奉

聖旨該部覆議具奏欽此欽遵抄出到部送司案查
崇禎三年八月內該江西鹽兌員外郎高銓
前事以叅武德衛指揮張雲翰荊州右衛指揮
田嘉禾侵費三剥等項銀兩在雲翰以無用
漕船棄置于儀真清河等處在嘉禾既沉米

江口又漏舟於通關而把總崔美瞻索雲翰
例銀一百七十兩據本省糧道副使黃應秀
語等因八月十九日奉

聖旨奸弁借運牟利需索花銷缺少旗軍沉船棄
好生蔑視漕規崔美瞻張雲翰田嘉禾着巡漕御
史查明究處具奏該部知道欽此遵卽呈堂咨行
都察院轉行巡漕御史究處去後九月內該巡
漕御史龔一程題前事內稱張雲翰花費官銀
僱船無措捏稱把總崔美瞻將伊過湖銀取詐

公費已批漕儲道查勘俱有解銀批文支銷領
狀似無點染張雲翰染病在淮仍當嚴提質
田嘉禾船溺旗逃遲緩之罪非罰米可盡但
漕儲道行據天津同知王秉衡詳稱船已歸
糧俱起納亦未呈報漂患應俟完糧回衛革任
住俸永不許管事等因九月二十九日奉

聖旨據奏張雲翰侵費官銀缺船不催致糧道代
復捏情抵賴巧圖卸責并之尤法應重懲如何
聽其托病羈淮久提不到著便行李待問嚴提究

擬具奏還立限與他崔美瞻缺雲翰面質果無情方准昭雲田嘉禾玩延不赴水次且船溺旗幟候運不小所擬是否蔽罪還確議具覆該部知道欽此又經咨行總漕部院嚴提張雲翰與崔美瞻面質去後續於崇禎四年正月內該總漕部院李待問題前事內稱張雲翰未奉

明旨之先已經漕儲道押發天津請乞就便問結等因本月二十七日奉

聖旨張雲翰着天津督餉官問擬具奏該衙門知道

欽此又經咨行天津部院問擬去後今該天

部院翟鳳翀將張雲翰擬徒贖罪具疏回奏奉

旨下部遵卽呈堂奉批據稱糧俱起納是通完也合

須查有掛欠否復經移文通廳備查張雲翰

嘉禾有無掛欠去後今據坐糧廳郎中劉夢桂

回稱張雲翰領運漕糧截留天津除交納外掛

欠米三千二百五石二斗一合五勺田嘉禾領

運漕糧截留天津除交納外掛欠米六千五

三十一石四斗六升八合三勺六抄准此相

通查議覆案呈到部該臣等看得武德衛指揮張雲翰身膺世胄領運漕糧謂宜何如勤將漕口無船令該道代募詐稱無銀令該道代募幸而有船有銀矣又復管押無人橫舟河滸而本弁且托病羈淮卒至漂失數船雖經變價且補而掛欠如許據稱二千已屬不貲今據通糧廳查報則所欠者三千二百餘石矣不知淮上之合米官銀視大庾之漕儲緩急謂何而悠悠偃臥置若罔聞卽嚴提質對而躲閃百出也

領運者盡皆若斯又安望轉運爲速於舊
卽使原領三修等銀果爲崔美瞻瓜分已不止
爲本官末減乃始而駕美瞻解免繼而託煖而
支飾恐擬徒薄罰不足以盡辜也若荊州右
指揮田嘉禾質本庸愚心復怠玩以朽腐之
朦朧復載募遊猾之棍嘗試操舟遂致船溺
失幾不可問之水濱亦何等放膽虧儲耶據
船已歸幫糧俱起納恰似如數報完者今據
糧廳查報則所欠者且六千五百餘石矣不

旗軍徐天祿徐法保羅美等亦孰非本弁所選
僉駕運乃聽之棄糧潛逃則該弁所職更復有
何事乎恐擬徒罰米亦不足以盡辜也至於把
總崔美瞻本身原無職掌卽以總下各弁之職
掌爲職掌也謂何致屬下之官有需索之口乎
若以每幫一百七十金作例則原屬七衛便該
贓私一千有奇卽再據雲翰之招謂前項銀兩
支給轉解各有批廻領狀可據是矣乃當日何
故無端而嫁禍該總又安知非事後行求令其

改口脫卸也今雲翰亦既不認美贍或難懸賞
而糧運缺船指揮高臥米沉甲遁茫無照管致
糧道監兌代爲料理該總于時何往乎且旣事
之後又不能嚴提申究已無辭溺職之愆乃猶
代雲翰解嘲曰欠解淮庫合米官銀也羈淮患
病也又安知非有愆不剛互相支吾以免旦夕
之扳扯也張雲翰田嘉禾卽照棄撤船糧科罪
亦不爲苛但念糧已到津交納過半姑照臨兌
缺甲缺船事例各從重降職二級永不叙用其

糧米完欠埃截叅銷筭再行照例議處崔美騰
率屬無能悞漕有據卽賊私尚煩推獻而職掌
亦略可槩見矣姑革去把總職銜亦埃截叅之
日查總下欠數照例議處逃甲徐天祿徐法保
羅美等行各該衛所照例追糧問罪嗣後但係
運官運甲務查照單例在京者責成駕部在省
者責成道府務從公選派俱要殷實醇謹者充
用不許曲徇賣放任無賴之徒鑽營悞事又按
本塞源之要着也旣經督餉部院具題前來

應覆

請恭候

命下臣部行文各該衙門欽遵施行

崇禎四年五月初九日具

題本月十二日奉

聖旨張雲翰田嘉禾各降二級永不叙用崔美瞻革
去職銜通侯截叅查欠議處徐天祿等追糧問罪
并選派運官運甲俱依議貼黃內又寫徐天保何
故查明改正行欽此

覆雲南甘按院條陳鎮守事宜疏

題爲遵

旨酌議具奏事雲南清吏司案呈崇禎四年三月
十日奉本部送戶科抄出巡按雲南監察御史
甘學淵題前事等因本年三月十八日奉

聖旨這奏內諸款着該部確議具奏欽此又奉本部
送戶科抄出原任鎮守雲南總兵官征南將軍
少傅兼太子太傅贈太師謚武靖已故黔國公
沐昌祚妻太夫人宋氏奏爲孤臣太東文法仰

乞

皇上矜憐以圖和衷以安勲裔事本年三月二十二

日奉

聖旨朝廷優禮勲舊原自有體但撫按官奉命彈壓
正欲使地方寧謐帶礪永延義本相成初無偏徇
這奏劄事情知道了內徵收子粒諸款着該部
併虛公看議具奏欽此欽遵通抄到部送司案呈
到部該臣等看得沐鎮以開

國之勲世守滇南其食報于

朝者可爲隆且渥矣乃故鎮臣沐啓元承襲未幾
猖狂自恣聽羣小之播弄致損墜其家聲雖沐
元物故之後奸黨蘇察等業經剏懲而今鎮臣
沐天波襲爵之初覆轍豈堪再蹈懲前亟宜從
後徵往可以察來此按臣余瑛有善後六款之
條議也續經新按臣甘學濶酌議前來復奉
明旨令臣部確議具奏仰見我

皇上愛恤邊民直洞見情形于萬里優禮勲舊欲未
延帶礪于同休臣等敢不俯竭愚誠再三恭酌

謹核之典故所載揆之時勢所宜伏見疏
列諸款俱于鎮臣有益而非于鎮臣有損非徒
爲滇民計更始而實爲鎮臣計久安有不期規
一時之便而實圖百世之利者該省之黎民與
該鎮之子孫並嘉賴之卽爲全滇輦萬年之固
可也除民間詞訟鎮臣不宜聽理一款奉有
俞旨無容再議外其餘五款謹據新舊二按臣之
議叅以舊鎮臣沐昌祚妻宋氏之剖陳虛公
畫覆議上

請恭候

命下臣部行文督撫衙門并咨都察院轉行巡按御史及行該鎮一體欽遵施行

計開

一、曰總莊千粒宜歸有司徵收該臣看得該鎮莊田先經嘉靖八年查核原數嚴究侵占煌煌

天語載在

會典萬曆三十九年該撫按周嘉謨鄧漢覆查鎮

田數倍原額疏

請責成有司徵收以杜影射奉有

欽依滇始寧帖至其朦朧自行管業近在逆璫煽禍
之年多係厚賄矯

旨所得今惟一照萬曆年間事例改歸州縣照額催
徵按期解納仍嚴禁科派永絕投獻則賦
既不虧而民亦不擾矣據該鎮以每畝
分賦額不及民間爲詞請行該撫按吊取
鎮莊輪租冊籍有溢于三分之外者許

州縣如舊徵解無則不准加于額外是
該鎮歲入之金錢固無損也該鎮亦何
焉使吏治其國而納其貢稅帝舜之待
且然今以待勲舊萬無不可伏候

聖裁

一曰鎮守兵權宜屬督撫節制該臣看得各
鎮兵權俱歸督撫節制而滇鎮則否自西
平留鎮以來總攬樞柄已非一世啓元在
事幾釀弊端此按臣所以慮及尾大不

有防微杜漸之思也今舊鎮臣沐昌祚妻宋氏亦稱沐天波冲年未有

明吉
地方重大事情照沐朝輔例暫聽巡撫協同處
分凜凜遵行無庸再議則該鎮亦自知事
擅之嫌宜避矣以後將士一切調遣非經
會督撫徵發不得自擅若係陰謀詭計因
出無名者聽該撫按以自簡從事庶幾
有責成兵有紀律緩急攸濟端在于此
候

聖裁

一曰爵賞大典不宜出自鎮臣該部看得
國之名器不可假人古且有惜繁纓而藏敝袴者
况爵賞乎該鎮卽世守滇南中軍旗鼓必
繇樞部推選未嘗自操爵人之柄何乃黃
蓋填塞于街衢犀輦招搖于府第是沐猴
而冠且假虎以翼如

國體何除以前諸不逞輩已經正法外今後凡不
係朝中

欽選者鎮臣不得輕給一劄卽衛所等官俱須關會撫按而後委用閹人內官悉聽歸農仍下令嚴禁閹割庶體統正而

朝廷尊卽夷漢亦凜凜懾服矣伏候

聖裁

一曰用刑有法鎮臣不宜殘逞該臣看得刑者民命所關漢臣劉寬蒲鞭示辱猶存唐虞欽恤遺意況滇居遐荒民稟柔脆從來駕馭南服尤先省刑該鎮豈不聞之新鎮

臣嗣服伊始仍恐啓元昔年創設刑具尚
有存者今後惟將從前淫刑盡行撤毀
民間有仍被非刑者聽該撫按查實叅
奏庶刑罰清而不干

天地之和卽鎮臣自爲保世故大之計道無踰此亦
相成之藥石也伏候

聖裁

一曰爲國以禮鎮臣臣等宜講明該臣看得
祿之與爵克紹禮屬者淫佚盡從不勝

術中來該鎮以統紳子而忽授專闢之任
非藉學問之力以匡其不逮虛僞恃氣
所必然查得在京勲爵之胄有入

國學習禮之例該鎮遠在天末此昔年曾有統紳
演禮之議也今不可率而循乎合于朔望
之日拜謁文廟令該學師生講書論道
之月將日就以成彬彬揖遜之風誠所宜
及時圖之者至予恭隨人等如有踵前
法之事許人據實首告聽撫按盡法究問

該鎮不得曲庇庶一傳不至衆咻馴成不
候之于城矣伏候

聖裁

崇禎四年五月二十二日具

題本月二十八日奉

聖旨子粒改歸有司定多侵欠還着該鎮自徵但
許濫額厲民縱役生擾至兵權等款亦惟去其
甚何得縣徇偏說一切苛禁非但不成鎮體亦
朝廷優任勦寇之意且各款應否俱屬戶部具

着該司官奏來仍一面會同該部通行酌妥合
具奏欽此

覆督部收買餘米並支放事宜疏

題爲運船漸集運務麤完道遠猶虞不續河乾
防有阻謹陳日來料理以慰

聖心并請申飭責成獎有餘以杜不足事雲南清吏
司案呈四月二十九日奉本部送戶科抄出總
督倉場尚書錢春題前事等因四月二十七日
奉

聖旨覽奏卿閱歷河干查驗船隻責成司官等事具
規恪勤擔任河通方能運速依議行該管廳道各

官亟圖疏濬務令蓄水如式有違慢稽候的指
叅處其收買餘米以廣積貯尤屬大計酌發銀
另收坐放事宜該部卽確議速覆欽此欽遵抄
到部送司除挑濬淤淺蓄水如式已經呈
咨督部工部并順天巡撫及劄各廳道遵照
至于買米一節查米有美惡價有多寡舊例
米每石價銀八錢江西江北梭米七錢湖廣
稻米六錢山東河南粟米五錢第與見今運
折抵事例果否相符相應劄查當卽呈堂

京通二廳查明去後今奉本部送據京糧廳
中寶星呈稱案查運官掛欠漕糧賠補之例
啓六年前任主事喬巍因各處米色不同議
浙直純白米每石折價八錢江西紅梗米七
湖廣蒸稻米六錢呈詳總督倉場薛貞允行
粟米折價五錢俱係見行事例運官抵折委
相符今頒出入無異以服運弁之心如臨時
價實爲煩瑣不若以抵折之數爲易買之數
公平之論耳惟是漕例各倉收米俱有失耗

實一石而卽作一石猶慮放時虧折或買

石免其四升二合之尖加其七升之耗京通

例此亦運官所願出在運官旣無減價之責

放糧時不惟無所虧折而且有所附餘矣其

到部奉批據議收買餘米價值悉照折抵舊

但當免尖加耗各以七升爲率此議確妥可

雲南司覆酌入疏奉此又奉本部送據通糧

郎中劉夢桂呈同前事奉批議已定矣雲南

速行具題奉此又卷查議單一欸萬曆三十

年該本部覆

准總督條議京通邊倉自二十八年爲始凡有旗軍
納剩餘米係京通二倉者聽通糧廳動支輕便
官銀係邊倉者聽該倉動支庫貯餉銀各查照
時價給軍收買俟各衛有起欠掛欠呈請照數
撥補扣價還官若收買數多卽將用過官銀徑
自開銷米作實在又一欵天啓七年京糧廳主
事趙建極條議今後各官旗納剩餘米除照例
扣補舊欠外許聽從軍便估賣掛欠各官旗補

厥如本倉原無舊欠仍准呈詳照出不必扣
新例用官價議買致虧苦價值耽遲時日灰存
法者之心等因通行在卷今督部題議收買餘
米事宜奉

旨確議相應通查具覆案呈到部該臣等看得京通
積貯關軍

國命脉

祖宗朝京坻陳因尚亟收買意深遠也查單例各衛
所納剩餘米原有動支輕賣收買補欠仍扣價

還官之例嗣因地方延緩輕齎拖欠卽運脚
需尚若不敷而收買之役頗多轉折蓋舊例
剩若干該倉查數移文該京通坐糧廳轉詳
庫給值已不免數日之耽閣而銀貯通庫不
匱乏莫應亦且指勒多端卽有奉法惟謹者
難保朝劄而夕給也且倉中米色各異而市
因時增減又不免多寡懸殊各官旗急公之
不勝其營利之心于是視納剩爲偏苦預行
筭先圖盜賣寧使掛欠徐補斷不肯盡數運

則處置未善亦足以灰心損儲耳此前任京
廳主事趙建極詳明照出之議亦不得已之
酌原非謂收買之法必不可行也今幸仰藉
皇上威靈嚴省直之逋負還輕資于太倉則額銷外
幸有贏餘而倉庾儲峙不支一年則收買之法
又抹時之急務矣應如督臣議今後各倉中官
旗但有納剩餘米查照抵銷成例江南白米每
石八錢江西江北梭米每石七錢湖廣蒸稻米
每石六錢河南山東粟米每石五錢給價收買

仍照該廳詳議免尖加耗以備虧折則出入
平可永行無弊者也而鼓舞羣心疏通稽候
在每倉先發銀一千兩在京者貯太倉外庫
通者寄通濟庫俱一總掛領零星支發凡臨
時京倉移會京廳通倉移會通廳該廳呈詳
部臣部批示卽發按數給值不許停滯時刻
倉役中但有留難抑勒嚴加禁治改前日之
轉折爲今茲之直捷則上無稽遲而下免守
候尤所稱繇古之道參今之法總圖爲

國家之倉廩謀耳至于收貯無法開銷不明之
來亦有朦朧虛冒之疑且有雖經收買而坐放
愆期或致埋沒沕爛者是又以有用之金錢而
無實之朽蠹也合令各該倉另立廣積二版一
貯粳米一貯粟米照數登記俟本運告竣之時
無米可收即便挨順月日明開官旗職名并收
買銀米數目彙造清冊一樣三本呈報臣部督
部并戶科互爲查考仍聽臣部劄下糧廳先行
坐放則頭緒分明出納清楚未無埋沒混淆之

虞矣而各運弁尤以餘米多寡分別薦獎政務
臣所謂善養之而使人樂輸者用此道也至銀
米俱係

國儲本折原可兼用直截開銷實爲便計似不必
拘泥成法撥補掛欠扣銀還官爲有名無實之
紛紜矣既經督臣具題前來相應覆

請恭候

命下臣部行文各該衙門一體欽遵施行

崇禎四年五月二十九日具

題六月初二日奉

聖旨這收買餘米併支放事宜俱依議行胥役奸弊
多端經管各官還嚴查折勒留難等情盡法處治
毋使利歸羣小怨集官旗欽此

覆浙江撫按題三推官完運開復疏

題爲舊運久竣新運獨蚤前蒙戴罪各官應照部議仰請開復謹據實查明以祈

聖鑒事雲南清吏司案呈五月十六日奉本部送戶科抄出浙江巡撫陸完學題前事內稱杭州府推官郭必昌嘉興府推官楊希旦湖州府推官胡守恒去歲以僭運稍遲奉

旨戴罪今年新運比單限更早當如總漕諸臣疏請開復郭必昌楊希旦准行取俾得考選胡守恒應

度支奏議

准開復照舊供職緣繇本月十三日奉

聖旨戶部知道欽此又奉本部送戶科抄出巡按浙

江監察御史劉士禎題同前事本月十八日奉

聖旨戶部知道欽此欽遵通抄到部送司卷查本年

二月內該本部題爲漕事告竣謹遵

旨通查有司各官分別勸懲等事內開杭州府推官

郭必昌嘉興府推官楊希旦湖州府推官胡守

恒漕臣疏稱糧運至四月方發奉

旨戴罪今查運期如南直江西湖廣俱係四月完發

且浙糧六十餘萬盡完業經總漕諸臣疏

請開復臣前擬罰俸半年免其戴罪茲奉

旨詳酌但郭必昌楊希旦外俸已足見今吏部開列
查核行取合無仍令各戴罪管事俟今年新運
完日聽撫按疏題開復郭必昌楊希旦卽准行
取胡守恒照舊供職等因題奉

欽依通行遵照在卷今該省撫按以今歲運事比新
例更十一早題請開復奉

旨下部相應具覆案呈到部該部等看得省直漕糧

奏議

自我

皇上振刷以來諸臣凜承

功令無不拮据將事今歲運務已復卑限之舊矣
其諸臣中有譏愆于前而策勵于後者似當嘉
與維新以鼓任事之氣今據浙江撫臣陸完學
按臣劉士禎題

請開復一疏內稱推官郭必昌楊希旦胡守恒先經
漕臣疏叅糧運稽遲奉

旨戴罪旋經總漕諸臣以運事如期告竣又疏薦開

復業該臣部覆擬仍令戴罪管事俟今年新
無悞聽撫按具題仍准行取并

賜開免業已微有

俞旨遵行在卷今查本年該省漕糧六十餘萬果于
正月十五日以前盡數開行二月二十七日渡
淮至四月二十七日首幫已過天津較之單例
更已先期皆錄三臣竭蹶督催故新運飛馳耳
且郭必昌楊希旦外俸已足銓部先已開列行
取祇緣前歲兌發稍遲淹其啓事茲新運既能

先期則以後速補前遲以後功贖前過應如
按臣所請將郭必昌楊希昌准令行取考選并
胡守恒各免戴罪以重漕務以信

明旨庶

雷霆雨露並行不爽而諸臣益知奮勵矣既經浙江
撫按具題前來相應覆

請恭候

命下臣部行文各該衙門欽遵施行

崇禎四年五月二十九日具

題六月初二日奉

聖旨是欽此

覆巡漕總河查叅淺阻速催漕糧疏

題爲恭報催運糧儲事雲南清吏司案呈崇禎四年五月初七日奉本部送戶科抄出該本部題前事內報四月二十六日起至三十日止五日內剥運過京通倉糧數并附衛河一帶有旱涸淺阻之虞緣繇五月初六日奉

聖旨知道了漕運幾經催催豈容近地復有遲悞着卽查衛河一帶何處淺阻何官經管見在船隻行止若何一一據實速奏欽此欽遵卽于初七日移

咨工部總河部院及劄坐糧廳河西務天津
德二倉并濟寧等處沿河各司道卽查漕河
帶何處淺阻係何官經管見運糧船要見行止
若何逐一查明據實速報以便回

奏去後續于五月二十六日奉本部送戶科抄出
該巡漕御史王邦柱題爲河流甚淺運艘多膠
謹叅怠玩官員以明法守事內據浙江帶管督
糧道副使袁一鳳揭稱武城縣草寺鋪等處
阻又德州有老君堂等淺東光縣淺處更多

叅武城縣知縣文毓鳳德州知州李應元德州
衛指揮湯繼纓東光署印訓導王應新酌議繼
處等因五月二十四日奉

聖旨河漕全在人力豈得但恃

天時屢旨嚴飭印河各官如何通不遵行好生玩肆文

毓鳳李應元湯繼纓王應新本當逮治姑着革職
職戴罪濬剥候運完奏奪其該撫按及管河部司
所職何事都着回將話來該部知道欽此欽遵當
于本月本日移咨工部都察院并山東保定等

撫轉行各管河部司都着星速回話外仍咨
兵二部並總漕部院欽遵去訖又于五月二十
七等日奉本部送據管理坐糧廳署郎中事主
事劉夢桂監督河西務鈔關主事許捷監督德
州倉主事焦觀祖俱呈同前事揭開各淺阻地
方並各經管有司衛所職名及漕船行止各緣
繇到部奉批雲南司類題奉此當卽呈堂具覆
間又于六月初十日奉本部送戶科抄出總河
部院朱光祚題爲漕船過濟以北啓閘必藉水

盈科出口必築壩束水所以遲滯謹查叅怠玩
有司并申飭責成舊例仰乞

聖裁事內開南自汶上縣袁口劉口等淺起北至通
州王家務郝家鋪一帶淺滯地方及各經管有
司管衛職名並請申飭責成等因六月初六日
奉

聖旨通流濟運成法纖悉具備乃積玩積弛漫不遵
守軍國大計每多稽悞亟宜申儆潘明達等着分
別議處四款有裨漕務確議速覆其餘載在典制

總河官得以徑行者卽嚴飭永遵不必數請以致
耽延該部知道欽此欽遵抄出到部送司查得坐
糧廳河西務關德州倉各司官劉夢桂等呈報
淺阻地方及經管官職名與巡漕御史總河部
院前後各疏查照大略相同不便再贅又奉本
部送戶科抄出總河部院朱光祚題爲微臣尾
催重運全幫蓋過張秋謹據實

奏報事內據管理北河郎中鄭鳴珂專管漕儲道
右布政使錢士晉各揭報漕船自頭幫揚州衛

指揮陳良知起至羽林衛指揮張顯文尾幫止
共計糧船七千七百五十六隻俱于五月十七
日盡過張秋催押北上等因六月初七日奉

聖旨覽奏尾催重運知道了水涸漕運總因疏濬未
力還着設法嚴儆勒限抵通竣事以便回空不得
遲滯滋誤該部知道欽此遵卽呈堂移咨工部總
河部院及各都察院轉行巡漕御史並劄漕儲
道天津河西務坐糧廳通行欽遵去訖今奉前
因除事隸工部者應聽該部具覆外所有前項

查過糧船數目及申飭速償緣絲相應通查其
題案呈到部該臣等看得漕河係糧運血脉其
盈其涸而飛輓之遲速因之則印河諸臣其責
成亦何如繁重哉肩斯任者所當督率淺夫庸
川挑濬務期節節疏通以速行舟且

典制炳若日星而

明旨申飭又不知凡幾奈何虞沿河一帶猶多淺阻
致礙漕艘雖云

平水涸時事偶然所謂設法疏流盤剝濟運人事之

幹旋果安在耶今據巡漕御史王邦柱總河部
臣朱光祚前後各疏其所爲申儆積玩整飭新
規亦旣不遺餘力而臣部仰奉

明綸復經咨劄部司嚴查速償務期大家同心共襄
運事求不負

聖明之責成乃續讀河臣尾催重運一疏計糧船七
千七百五十六隻于五月十七日盡過張秋仰
見我

皇上威靈震懾各地方官無不極力補過而旬日來

甘澍滂沱則雨師助順而河伯効靈想揚帆渡可啣尾而望漕舟之鱗次耳除武城知縣文毓鳳德州知州李應元德州衛指揮湯繼纓東光縣署印訓導王應新業奉

明旨革職戴罪設法督運所有嚴飭責成四款查係工部職掌應併楊村通判潘明達等俱聽該部酌覆議處外臣等仍行飛檄嚴催關廳橋壩速爲轉運勒限八月終告竣必不敢沿錮習而愆漕期致煩

皇上之宵旰也既經巡漕總河各臣具題及各該監
司呈報前來相應覆

請

命下臣部行文各該衙門一體欽遵施行

崇禎四年六月十二日具

題本月十五日奉

聖旨知道了雨霈河通糧艘著速催前進遵限轉運
欽此

題江西監允高鏘差滿考覈疏

題爲奉差事竣遵例考覈事雲南清吏司案呈奉
本部送據江西監允本部福建清吏司降級照
舊管事員外郎高鏘呈前事內稱職于崇禎二
年九月二十八日奉

勅諭并本部劄付差往江西水次監允崇禎二年漕
糧兼催督京邊等項錢糧于十一月終旬抵次
十二月初四日受事惟是虜報頻倣允事綦重
而

功令森嚴動關生死計欲挽遲爲速勢必任勞耽
無奈才短智疎復值地方災傷備難厝手乃上
之仰借

天威震飭下之倚賴部院協心卽州縣印糧官員義
激同讐併力共事而職復謝絕請托首擒包攬
元兇次釐盡會積蠹嚴限督催幸于本年二月
十五日開幫共運過正改兌漕糧本色正米五
十七萬石帶運過遼糧正米八萬五千五百石
俱于七月初一日抵京又催解過隨糧輕賚

易等銀共七萬一千六百九十五兩又帶催
啓七年并崇禎元二三年見徵金花京邊等銀
共完過五十三萬五千七百四十九兩二錢五
分一釐又催完過崇禎元二三年加派并襍項
銀共七十萬一千一百四十四兩又帶催運過
三年分正改遼米七萬六千八百二十二石六
斗二升六合五勺一抄于本年十月二十七日
抵淮前後巡漕題報甚明且各省漕糧無如江
右獨遠該職先冒鄱湖險阻次涉長江巨浪冒

暑雨晒沉舟之濕米揚帆而防奸旗之漂
議多欬俱蒙覆

允通行贖銀無幾亦以涓滴助餉艱難苦楚罔不備
歷茲辛漕糧告竣職卽不敢言勞而亦無不竭
之心力矣至降級一節亦有可得而言者竊念
職叨中萬曆辛丑科進士初任山西大同府推
官以查盤邊道所屬執法不阿爲時所忌改任
湖廣叻陞南京戶部養病五年起補北京戶部
陞河南歸德府知府歷俸三年陞陝西關內道

副使改河南驛傳道副使未及到任而從前是
者猶以宿怨中傷大察以知府降三級用矣家
居八年始補順天府馬政通判歷俸一年零三
箇月遞陞今職是職以三十餘年甲科方得叨
有今日也不料在差辦事于崇禎三年四月內
閱邸報見吏部具題爲欽奉

聖旨等事奉

聖旨這遷謫各官准照今銜降一級調補外任除李
逢甲見在究擬外其高鏞監兇完日再行考覈還

併魏尚賢王守履都着以降級照舊管事欽此仰
見

聖明離照於整飭銓規之中尤留職以自効之餘地
也但前項銓補規例已久非自職始就中困頓
偃蹇亦無有如職獨甚而監兇一差職實不避
怨勞除各項本折錢糧開報如左

勅書關防業於去年十一月初九日交代主事吳澄
接管外今當回部應聽考覈等因到部奉批雲
南司查明考覈奉此案查崇禎元年十二月內

該本部題議監允一差已設而復裁既裁而
復其故可思也裁者因前官之蹉跎徒因循而
廢事復者望新官之砥礪務拮据而奏功故戒
前車而策後効亦在各官之自爲計耳周歲差
滿例應考覈稱職者有優擢無辜任事者之心
不稱者有明罰無長溺職之弊習則人爭淬礪
以副任使矣業奉

欽依通行欽遵在卷今據前因除漕遼二糧輕賚等
銀係本司職掌俱查明全完無欠外其京邊并

新餉等銀隸江西新餉二司相應查明當即
付各司查取完欠去後今准江西司付稱江西
省每年額該金花光祿太倉及供用甲丁等庫
本色銀共三十三萬四百四十一兩一錢六分
五釐今查崇禎二年分已完到部銀二十六萬
九千一百六十四兩九分又據藩司冊報委官
金臺等領解銀一萬三千五百三十四兩四錢
八分九釐止欠銀四萬七千七百四十二兩五
錢八分六釐又解過三年分京庫大倉等銀一

十萬三千一百七十一兩四錢八分一釐又解
過帶徵天啓七年并崇禎元年金花光祿太倉
等銀一十四萬九千八百七十九兩一錢九分
一釐又准新餉司付稱江西省每年加派額銀
共三十六萬一千三十六兩一錢零該監兌員
外郎高鏘催解過崇禎二年分加派并買遼米
銀三十四萬五千八百六十三兩零止未完銀
一萬五千一百七十三兩一錢零又催解過三
年分加派銀一十五萬七千六百二十九兩四

錢零又帶催解過元年分加派銀一十三萬
千八百二十兩五錢零又每年襍項銀額該
萬二千四百七十八兩三錢零本官催解過
年分襍項銀三萬七千五百二十二兩四錢未
完銀二萬四千九百五十五兩九錢零又催解
過三年分襍項銀一萬八千二百二十七兩
錢零又帶催過元年分襍項銀七千八百一
三錢零等因各查明前來准此及查本官降
一節係吏部題覆奉有監兌完日再行考核

旨相應一併考核案呈到部該臣等看得監兌一
職專漕務兼催京邊等項銀兩其責任甚重
職事亦甚繁雜也周年差滿回部考核課其
惰以分殿最將激勸之微權於茲焉在而一臺
徇庇所不敢參焉者也今查員外郎高鏘監兌
江右處災疲之地乃能拮据料理早勦漕局查
該省二年糧米于三年七月初一日抵通業報
竣矣三年漕船前幫亦于三年十月二十七日
抵淮遂爲通漕首幫該巡漕御史王邦柱題

在案更兼督催輕賁京邊各項見徵帶徵完
數多雖二年分不無些須逋負而三年分已催
解如許以一年而辦兩年之事務則本官之公
忠才幹具見一班矣查據往例似當紀錄但本
官先以降級銓補之故曾經吏部覆奉

明旨降職一級照舊管事監兌完日再行考核煌煌
天語是又將以後效而酌前愆者夫本官以錢糧奉
差者也而臣部考核自不得不以錢糧分功罪
也今該省完解分數歷歷如左則一絲一粒

非自本官精勤任事中來也

聖明自有洞鑒無垓臣部瑣

瀆惟是風餐水宿雖臣子終事之誼而金注瓦全尤
朝廷勵世之典臣部遵

旨考核似內補一節責在當事而本官終歲之勤渠
其所自爲怨艾者又不少也及查奉

旨外補各官近亦有及瓜而量移京秩者矣合無仰

祈

聖慈俯鑒本官微勞停其紀錄

往復原降職以爲勞臣之勸廉

雷霆雨露並行不悖而其所風勵者遠矣既經本官
具呈前來相應題

請恭候

命下臣部移咨吏部遵奉施行

崇禎四年六月十三日具

題本月十五日奉

聖旨高銬漕事旱竣勞亦足錄至督催錢糧自有專
差京卿何得以公忠才幹漫加獎誨本內金注

全是爲何語其降補事情還着吏部確覈具奏欽
此

題議漕糧別蠹裕儲十款疏

題爲漕限雖復漕欠日甚敬循舊章再酌時宜扼要責成以裨

國儲事雲南清吏司案呈奉堂諭漕運限期幸復舊

制真數十年來一大快事也但昔所爭在遲速之間而今所爭尤在完欠之間查近年拖欠動以數十萬計雖速而不完亦何貴于速也要見昔年每年止欠若干近日節年欠至若干仍查單例

詳酌列款具題防閑禁戢務期全完勿致以糧
粒辛苦漸歸逝波也奉此卷查議單一欵萬曆
十二年該本部覆

准戶科都給事中蕭彥等條議凡漕運官軍敢有本
次折乾及中途糶賣以致抵壩起欠臨倉掛欠
者卽係侵欺除正犯查照律例問擬外其餘官
旗仍各總計名下欠數總小旗欠一百石問該
瞭哨百戶鎮撫欠二百五十石千戶欠五百石
指揮及千戶等官全幫領運者欠一千石把總

欠三千石俱問降一級發原衛所帶俸差操有
能臨期設法買補完足止坐折乾盜賣正犯各
官旗免罪其雖不係侵盜但有虧折俱照前例
擬斷若總欠數多及粗惡不堪至三萬石以上
總兵等官另行奏

請定奪等因通行欽遵在卷及查節年完欠天啓元
年以前不具論如天啓元年分欠京通邊糧共
四萬八百七十八石零二年分共欠三萬三千
九百四十四石零三年分共欠六萬五千六百

九十石零四年分共欠九萬二百一十六石零
五年分共欠十一萬九千六百一十三石零六
年分共欠二十一萬九千一百五十三石零七
年分共欠一十一萬二千五百九石零崇禎元
年欠至四十餘萬崇禎二年亦復如是業經督
部截叅在卷今奉堂諭前因相應通行查酌列
款申飭案呈到部該臣等看得

國家歲漕四百萬石此額數也乃正數之外有加
耗加耗之外有潤米每石幾加一倍矣且運宦

必先令掌印以優之然後領運而各幫員役
復有盤費有行糧有月糧有簞羨有房水有優
恤等項

朝廷待此輩曲體優厚可謂不薄乃抵壩則起欠也
臨倉則掛欠也卽津門截留者亦虧欠不貲也
豈水次成例果有貽累而未盡善者耶何萬曆
年間獨不聞如許逋負耶其爲折乾盜賣不問
可知也臣等躊躇再四計畫無復可之不得不
徹底清釐以圖補救于萬一謹叅酌卑例稍爲

更定條議十款似皆目前吃緊要着在持法者
務寧密而無疎在奉法者務祛虛以就實必使
把總運官與督糧道各盡其職掌又使通務分
司及京通各倉無委其啣轡則補偏救弊之道
不外是矣仰乞

明旨申飭力行庶可破玩愒而爲振刷挽積欠而充
積倉也謹列款上

請恭候

命下行文各該衙門一體欽遵施行

計開

一過壩之起欠宜比也通壩交糧以

欽降加二五斛入袋進倉以一斗一升二合收受此
外尚餘一斗三升八合以備晒揚折耗之
費照此入厥人人自有餘米是以往例過
壩但有起欠通廳先行追比務期完足而
後且漸廢也不知過壩一節正倉儲完欠
之關鍵而各經管官功罪之所自始也近
日督臣錢春欲飭新漕一疏刻有官旗過

壩宜同一款蓋已慮及此矣今後但遇抵壩之時務令把總運官旗甲限同起卸旗甲不到責運官運官不到責把總節節銓制在在稽覈每完一幫通廳卽具完欠多寡數目申報本部督部批行通廳按數立限設法嚴比其起欠太多者先行

奏報懲究則三尺不貸上下凜然而起欠之積弊可免矣

一回空之帶米宜查也糧船抵壩多有正額

未完卽催趕回空有糶米四五十石以
二三十石者運官枉受比併之苦押空
擅糶賣之利此孰非滿儲之正額而屑
視之也今後二壩起米完日須令運官具
報通廳本衛漕米原額若干今有無起欠
若干每船帶回飯米不過三石如起欠數
多者雖飯米亦不准帶具結報竣方准編
次言旋仍令通廳及務關逐船搜簡方准
開幫回空凡梯山航海而來者胥儲爲

家之用而無輕開逗漏蠶食之端則
之弊自杜而亦可免于回空之遲矣

一沿途之偷盜宜禁也糧船自津抵橋尚有
四百里水程運弁借口上京投文不行
押旗甲借口水淺舟膠紛紛告剝而通務
兩剝船又每艤舟空野規便作奸于是有
船戶通同旗甲而中途盜賣者亦有旗甲
照管不到而船戶自盜者其夾河居民且
有慣爲窩頓收買盜糧以射利者宜令

臣責令地方道府州縣及通廳務關暨
僉分司各照信地加意巡緝凡有賣夜
通旗甲船戶私行販賣及攙糠灌水者
實將旗甲船戶依律重究并治窩頓之家
仍再廉訪真正窩頓主名摘發一二正罪
沒官人自悚息此外繇壩抵橋則有口袋
經紀繇橋抵倉則有陸運車戶種種侵盜
人人耗蠹而旗甲以異鄉窮子耳目難周
弱肉強食舍寃可憫今後凡經紀至橋

戶至倉不時抽犂但不符原數者必加
還賠仍治以罪庶可漸滌沿途偷盜之
矣

一衙門之使費宜絕也自津務以至進倉
管非一衙門各該吏書衙役俱視官旗
奇貨凡投文掛號以至坐撥收受處處
點把總衛官需索應付聞石土二壩委
遇漕糧過壩時每船索常例銀一兩除
津外所存不下六七千船便湏六七千

矣其他使費尤難枚舉官旗敢怒而不敢言此項豈皆取足私橐哉總之交相蠹蝕者此漕糧耳益下必至損上肥私必至瘠公茲查二壩委官已經督臣題議裁革今後大張告示凡運弁指稱打點爲罔而索及官旗者許令告誥查究仍責京通二廳查訪但有風聞卽報督臣拘提審實題參究罪其運弁卽將本衛欠數勒令逐一賠完衙役亦令將該衛欠數協同運官賠完

則打點使費之弊可漸絕矣

一倉廩之晒揚宜速也米入倉時舊例必先打囤而後晒揚必俟晒揚而後進廩無奈歇家書識抱籌打囤諸役咸取給焉所費不貲已可恨矣又有官旗自揣虧折數多暗通倉役將別囤貯米私移本囤倉役通同折價此倒囤之說也又有將已收入廩之米夜匿奸役暗盜別囤以圖充數此串線之說也會不思物各有主官旗誰無私

次厥內積剩監督宜報附餘而可聽奸狡
之出沒任倉役之顛倒哉揆其所繇總係
各倉監督雖勤敏固多而玩忽亦有或不
親行查驗或不早爲晒揚非托言于晒揚
未便卽借口于陰雨愆期故弊竇日滋耳
此後漕米入倉監督務須屏絕諸務夙夜
在公打囤則封固如法晒揚務刻期告竣
時時經心經眼在在防奸防盜則此輩無
所關其手而倉中之弊竇漸清官旗之苦

累亦蘇矣

一把總之叅罰宜嚴也省直運官分爲不
把總沿途管押抵京完糧其付托亦甚重
矣簡查單例運官掛欠一千石以下把總
三千石以下者各降一級發原衛所帶俸
差操近日把總雖有降罰則例錄一級以
至四五級而居官自若以潤囊之故智爲
積年之蠹賊雖叅降之文至再至三究竟
于此輩無損于漕欠罔裨殊可太息今議

除運官查照卑例究處外其把總通判
欠有至三千石者降一級六千石降二級
九千石降三級仍照舊例姑令戴罪管事
若一萬石以上卽行革職作缺另補若
萬五千石以上除革職外仍行究罪蓋把
總原無職掌卽以幫官之完欠爲職掌若
僅懲幫官誠不如併懲把總之爲扼要也
所爲提綱挈領以迴狂瀾於旣倒無踰此
者矣

一糧道之責成宜重也查議單一欵省糧道專委糧務每遇開倉開兌親身稽查水次起運加意催儆有糧米拖欠及沴爛不堪者悉照題

准事例計全省萬石以上許撫按據實查叅等因在卷大郡水次無折乾之弊而後臨倉無掛欠之虞比歲奉法不力而貪婪官旗但自利不計完官卽正米尚未必足數而耗未有不折乾者至帶運遼糧一項風

從來多係折乾臨時但在漕糧內那價
甚而其病根尤在借漕帶以藏奸斯固
旗之貪縱哉亦繇糧道之疎濶也矧今
河押運而來一切盜賣侵沒之弊豈得
之不聞不見夫以方面崇階任督儲重寄
在文武職官未有不奉憲令而象指者全
無特加責成稽查防範每省掛欠萬石以
上罰俸半年二萬石以上罰俸一年其各
幫掛欠官旗變產完糧仍須該道綜理完

事夫身在利害之中則行法不得不嚴
照管亦不得不密誠不徒以沿河押運遂
爲盡職已者此法雖近尅核而臣愚總從
國家起見卽知罪聽之矣

一截津之餘米宜覈也查漕米領運入倉正
兌以加二五爲額改兌以加一七爲額及
交納入厰正兌止加尖耗一斗一升二合
改兌止加尖耗八升二合蓋倉糧挨陳
放勢不得不晒揚乾潔以防沴損故取數

稍多以備虧折若截留津糧乃人情所宜
趨且以本年交卽以本年放原無待于晒
揚臣部先年從長商酌每石議加免晒糧
米五升卽作正額有短少者罰無貸一以
少抑奔競一以聊佐匱乏云耳此例相沿
已久近各奸弁百計阻撓告蠲請免乞恩
不休似謂津門比亦晒揚者及查津門晒
揚直爲揷和浥爛之輩間一行之實未能
逐幫晒揚且亦未若京通晒二天揚一天

之事也若止加免晒揚米一升既得截津
之輕省復希贈耗之全蠲以百姓有限之
脂膏徒充運弁無益之谿壑而可乎哉倘
慮呶呶有詞卽改名爲截津餘米以杜奸
猾之口奚不可也是當永著爲令有欠重
懲者也

一分幫之卸罪宜杜也衛所運官俱係指揮
領運千百戶隨幫而漕糧完欠其責頗歸
于領運者間有糧多次遠照管不及具詳

院道准與分幫計必明白填註單牌然亦百十中之一二也近日奸貪運官掛名數多勢難結局每每巧托分幫嫁害無辜京通二廳查審稍不詳慎反將欠千欠萬者出脫干事外而降級提問之嚴罰反加于風馬牛不及之幫官殊乖情法近淮南兵部咨亦謂向來隨幫千百戶止應遞呈各項公文管押回空船隻如遇違限亦有降罰若指揮交糧完欠原不干預邇因通

多難完嗽隨幫官南還遂暗行瀝紙希圖
卸罪咨乞破其裝砌之弊等因此誠深中
運官巧卸之情態也今後到壩起欠臨倉
掛欠悉坐領運官員叅罰降級其真正分
幫者必須漕運衙門明載單牌較若列眉
而後改坐分任則躲閃巧卸者不得售其
奸矣

一截叅之程限宜速也每歲漕運完日督臣
例有截叅一疏臣部據以題覆稽完欠以

定叅罰關係良鉅聞隆萬年間俱係當年
完糧督臣歲內卽行截叅臣部題覆不過
二屆自漕遲阻凍以後截叅俱在隔年夏
秋之間良以京通二廳造冊俱取數京通
各倉及薊密昌津各鎮卽運并完欠亦須
逐一面質地方遠遠衙門轉屬事勢固有
不得不然者但時日漸久人情滋玩猾弁
積書實緣交通多非本來面目兼以把總
旗甲俱去運官一貪徹骨雖行降罰而人

不知畏難欲追納而法無可施矣目今
期既復守凍業已無虞晒揚入厥初冬便
可集事雖有銷筭釐羨抵補之事似亦非
難合無仍限歲內督臣卽完截叅之典且
部題覆不出二月之內既可上緊追比以
爲補葺完納之地亦可及時懲創以爲醒
愚訂頑之圖若曠居諸而延日月縱貪緣
而恣顛倒則法久弊生政弛人玩京通
倉不得解其責矣

崇禎四年六月二十日具

題本月二十三日奉

聖旨漕糧飛輓雖速虧欠漸多軍國大計何賴舊制
犁然具備祇因人情弛玩法令不行以致姦弊日
滋賦額日減殊可痛惡這條議十款剔蠹裕儲俱
于漕務有裨內如搜簡回空議加津米有無擾累
及截叅程限等事仍與總督倉臣酌議飭行欽此

覆雲南撫院題議六涼衛派收屯糧疏
題爲姦弁侵欺錢糧賄逃拒法謹請

旨提問大申創懲事雲南清吏司案呈六月初五日
奉本部送戶科抄出巡撫雲南兼建昌畢節東
川等處地方贊理軍務兼督川貴兵餉都察院
右副都御史王伉會同巡按御史趙洪範題前
事等因六月初二日奉

聖旨該部查議具覆欽此又該兵部咨同前事各到
部送司案呈到部該臣等看得懲貪之法首重

侵欺非特爲簞簋不飭者示儆實爲

公家惜此金錢也乃滇南遠在天末法紀久弛而
六涼衛一切錢糧皆係衛弁筦其出入開銷自
繇有司不得過而問焉今六涼衛指揮邵元齡
以世襲武弁侵欺局料公費併修城塞銀共三
百八十兩一味貪饕百計支吾目中尚知有三
尺哉繼因府廳訊鞫未當撫臣批駁頗嚴遂而
托人居間舉家宵遁幸而天網不漏妻孥就獲
從此根拘逮問諒不得終遁矣合無

私該撫按速行提問查照邦政條例掌印衛官侵
官銀之律盡法追究以爲奸貪之戒其世襲
節仍俟追贓完日移咨兵部酌議定奪者也
于該衛錢糧前弁伏國興旣敗于前今茲邵亦
齡復敗于後前車旣覆殷鑒不遠斷不可因循
玩忽仍付衛弁之手滇撫謂流官差賢土弁
帑免落私家誠爲有見合如撫按之議以後該
衛經收屯糧應于本衛經歷或本府通判遴委
一人督同該衛公派公收庶錢糧有所考成而

侵蠹可永杜矣既經具題前來相應覆

請恭候

命下臣部移咨雲南巡撫并咨都察院轉行巡按御史將六涼衛指揮邵元齡速行提問追贓正法其該衛錢糧事務改添有司清理聽彼處撫按臨時酌委施行

崇禎四年七月初六日具題本月初九日奉

聖旨邵元齡已有旨了該衛屯糧着該撫按選委幹官一員與衛弁公同派收以杜侵蠹欽此

覆應天巡撫請以一推一知原級疏

題爲新舊漕事已竣有司宜勞補過謹遵

明旨奏奪開復以寓激勸事雲南清吏司案呈六月
二十八日奉本部送戶科抄出應天巡撫曹文
衡題前事內開松江府推官徐日曦常熟縣知
縣楊鼎熙新舊運事告竣請復原級緣繇本月
二十五日奉

聖旨該部覈議具奏欽此欽遵抄出到部送司卷查
崇禎三年五月內該本部覆應天巡撫曹文衡

題爲恭報漕糧已開幫船三千七百餘隻等事
內叅常熟知縣楊鼎熙遲悞漕米降職二級仍
令戴罪督催速完以觀後效緣繇奉

聖旨是欽此六月內又該本部題覆巡撫曹文衡題
爲謹陳水邑災荒之慘等事奉

聖旨理官專委督糧乃徐日曦倡議折允幾奈漕規
着降五級用能經接管仍誤本當同罰念新任已
買米補完姑着降三級照舊管事欽此業經呈堂
通通行遵照外四年正月二十七日奉本部送進

吏部咨爲循例議留應

覲正官以安重地事內稱該本部題前事奉

聖旨徐日曦旣稱地方需人准降五級照舊管事俟
新運完日奏奪欽此備咨到部送司二月內又該
本部題爲漕事告竣謹遵

旨通查有司各官分別勸懲以重漕政事內稱常熟
知縣楊鼎熙應天撫臣謂其報完稍遲奉

旨降二級今仍應降級管事俟今年新運早完聽撫
按疏薦開復緣繇奉

聖旨這運期違限各官既經分別詳酌俱依擬該部知道欽此遵依在卷今該省巡撫以二官新舊運事俱竣題

請復級奉

旨下部相應酌覆案呈到部該臣等看得漕事當積弛之餘非嚴懲無以警怠玩政令在修舉之後非激勸無以勵羣工故在漕諸臣中有議創於前而能補過於後則奪而復予

聖恩總屬無私今據撫臣曹文衡疏開推官徐日曙

先以銀錢折兌知縣楊鼎熙以完兌稍遲業經
疏叅奉

旨降級查徐日曦已經吏部題留管事奉有俟新運
完日奏奪之

旨楊鼎熙先該臣部覆

請俟今年新運早完疏薦開復亦奉有

命旨煌煌

天語二臣有不竭蹶以副

明命者非夫也今查該府縣漕糧徵貯於臘前完疏

於春孟而渡江過淮悉如程限今已卸尾抵關
兩臣勞績良有可嘉撫臣謂昔以漕事加罰今
以漕事示勸因後效以盖前愆

雷霆雨露

聖明原無偏用况二臣治行表表爲有司之最則信
前旨而准開復或亦

聖仁所不靳也合無仰祈

聖慈俯從撫臣所請將徐日曦楊鼎熙准復原降職
級使諸臣知前日之降級者以懲怠今日之復

級者以旌勤諸臣有不倍爲奮勵而克襄漕運者臣不信也既經該撫具題前來相應覆

請恭候

命下臣部行文各該衙門一體欽遵施行

崇禎四年七月初十日具

題本月十四日奉

聖旨知道了還俟漕運完日聽巡漕御史復命奏奪

欽此

覆湖廣巡撫查叅違誤漕折官員疏

題爲分別違誤漕折各官以便處分事雲南清吏司案呈六月初十日奉本部送戶科抄出湖廣巡撫魏光緒題前事等因本月初七日奉

聖旨周驥王嘉善着與查明馬士毅從重議處內查叅華容黃安二縣如何錯誤姑免追究該部知道欽此欽遵抄出到部送司卷查先該戶科抄出巡漕戴罪御史王邦柱題爲漕銀徵解怠玩等事內叅華容縣知縣胡順黃安縣知縣蔣洪先

廣濟縣知縣周驥未完漕折緣繇本年三月

三日奉

聖旨漕折銀兩軍國急需如何嚴催不應好生玩肆
胡順周驥姑着戴罪督徵完日奏奪蔣洪先既經
陞任着該部議處仍責令接管官作速完解該部
知道欽此到部送司當卽呈堂咨行該撫勒令未
完各官戴罪督催完解外仍將蔣洪先照未完
五分例除

大計降職二級外再議降職一級另用接管知縣王

嘉善降職一級戴罪督徵完日准其開復等因
具題四月二十九日奉

聖旨是欽此又經呈堂通行遵照去後今該巡撫魏
光緒具題前因隨移付湖廣司查黃安廣濟華
容三縣漕折銀兩曾否全完去後續於七月十
四日准該司付稱黃安縣額該漕折銀二千四
十一兩五錢八分廣濟縣額該漕銀二千二百
六十八兩九錢四分五釐華容縣額該漕銀二
千三百一十九兩零俱於崇禎四年五月二十

日差官章繼華解完訖等因到司准此相應具
覆案呈到部該臣等看得漕折銀兩原係允運
正額必須隨糧解進無容後期今查黃安廣濟
華容三縣漕銀未完業經漕臣王邦柱疏叅廣
濟縣知縣周驥華容縣知縣胡順各奉

旨戴罪督徵黃安縣知縣蔣洪先以陞任奉

旨議處隨該臣部照未完五分例除

大計已降二級外再議降職一級另用而新任知縣
王嘉善接管仍誤兩人一轍後官不能完前官

之賦亦擬降職一級完日開復覆奉

欽依在案今撫臣魏光緒疏稱廣濟黃安二縣漕銀俱已先後全完華容一縣迄今未解業奉

明旨令臣部查明議處臣等按籍稽查二縣之額銀果無纖毫逋欠知縣周驥前日之戴罪今應賜免王嘉善前日之降級今應開復者也至黃安縣舊令蔣洪先緣糧道劉永祚押運赴津未知新令受事誤報漕臣以致題叅覆降一級今撫臣據糧道詳文上請更正則漕銀遲誤非本官

任內事且銀已全完應與王嘉善一併開復
也及查華容縣所欠一千三百餘兩亦于五月
二十日照數解部訖論其當日之延緩知縣胡
順時當入

統案屬署印州判馬士毅經營本官起解後期兼以
大盜公行似應懲處以儆其餘但臣部職司錢
穀止以完欠定各官之優劣今既督徵完解則
知縣胡順似當開復若馬士毅僅完任內經手
之漕銀亦宜姑從寬政而該縣之崔持竊發事

流縉紳士毅先事不能戒備事後不能追捕才智昏庸何取代庖第此自有考功之法在又非臣部可得越俎應

勅吏部查例奏

請定奪者也合無仰祈

聖慈將知縣周驥胡順准免戴罪王嘉善蔣洪先賜還舊級庶臣下知信賞必罰

功令不爽不惟感

恩於既往抑且屬報於將來矣既經該撫會題前來

相應

請恭候

命下臣部行文各該衙門一體欽遵施行

崇禎四年七月二十三日具

題本月二十六日奉

聖旨依擬欽此